

Winkel gesagt habe / soltu von den Winkeln oder Lineis indicativis oder intercadentibus verstehen / allein das dieselben nicht so viel krafft haben / als diese: Dergleichen soltu auch von den andern Winkeln judiciren / als nemlich am 14. 20. vnd 27. Tage / welche auff die Mittagslineam in Mitternacht auff den geraden Horizontem im Untergang / vnd auff die Mittagslinea gegen Mittag angezeigt werden / vnd seynd eben so wol Critici, als auff dem geraden Horizont im Aufgang. Vnd wie mit den ersten Indicativis vnd Intercadentibus, also soltu auch mit den andern handeln / hie mercke das nicht allein für ein Tag / sondern Tag vnd Nacht / dann Crisis begibt sich so bald bey Nacht / als bey dem Tage.

Critici in den scharpffen vnd schnellen krankenheiten / begeben sich gemeinlich am 7. 14. 20. vnd 27. Tage / aber die Intercadentes vnd Indicativi werden nach desmonds Lauff / welcher nicht allweg gleich ist / vnd wie in den schnellen krankenheiten vom Mond gesagt / also ist in langen Critici genandt / mit der Sonnen zu handeln / welches ein jeder Arzt billig in acht nemen soll.

Zu finden / auff was Poli Höhe ein Astrolabium oder Landtassel gemacht ist / vnd wie man / ob das auch auß rechtem Fundament gemacht sey / probieren vnd erfahren soll.

Das Acht vnd dreissigste Capittel.

Sches zu erfahren / so zehle ich die Almicantharath Circul / welche der Sonnen höhe vber den Horizontem von 3. zu 3. Gradt anzeiget / wie zuvor in der Erklerung berichtet worden / vnd fahe am Horizonte obliquo die Almicantharath zu zehlen / vnd wenn du kumbst auff den 7. Almicantharath Circul / welcher den 21. grad der Sonnen höhe vber dem Horizonte anzeiget / so habe fleissig in acht / wo derselbige die Mittaglini oben vnter der 12. Stunde durchschneidet / vñ mercke ihn gar wol / nach diesem zehle vom selben negst folgenden Almicantharath, da sich daselbst die Mittagelin durchschneiden / auch darzu also 24. 27. 30. 36. 2c. bis das du kompst an den Equinoctial Circul / vnd da es keme / das der Almicantharath zu negst vor dem Equinoctial Circul stehet / vnd nicht allegar den Equatorem durchschneiden oder antreffen würde / so siehe / wie viel Grad noch mangelen / welches du also finden kanst / wenn du das Spatium zwischen zweyen Almicantharath Circuln in 3. gleiche Theil theilest / so halt ein Theil gleich ein grad / Als zu einem Exempel / in der Landtassel / die auff 48. Grad / vnd 30. Minuten gerichtet / vnd vñ

Exemplum.
Demonstratio.